

# 卷十四

書名 重選唐音大成十四卷附錄一  
 卷 嘉靖五年刊本  
 撰者 明 邵天和 輯  
 卷 卷十四  
 內容分類 集-總集-各代-唐  
 索書號 集部-總集-51  
 編號 D7841400

彩色首頁1

東洋文化研究所漢籍目錄 編號: D7841400

東洋文化研究所漢籍目錄所藏漢籍善本文影像資料庫 索書號: 集部-總集-51

漢籍善本文影像資料庫文本重選唐音大成十四卷附錄一卷 嘉靖五年刊本

版權所有: 東京大學 東洋文化研究所

使用上的注意事項

重選唐音大成卷之一

宜興邵天和節夫編校

始音

從軍行

楊炯

火照西京心中自不平  
 牙璋辭鳳闕鐵騎繞龍城  
 暗凋旗畫風多雜  
 鼓聲寧為百夫長  
 勝作一書生

劉生

本六郡年長入三秦  
 白壁酌知已黃金謝主人  
 生赤電馬足起紅塵  
 日莫歌鍾發喧動四隣

紫騮馬

渚亭

自有人知處那無步往蹤莫教安四壁面面看芙蓉

孤嶼

朝遊孤嶼南暮戲孤嶼北所以孤嶼鳥與公盡相識

續選唐音大成卷之十三終

續選唐音大成卷之十四

宜興邵天和節夫編校

補音六

七言絕句

清平調詞三首

李太白

雲想衣裳花想容春風拂檻露華濃若非群玉山頭見會向瑤臺月下逢

一枝穠豔露凝香雲雨巫山枉斷腸借問漢宮誰得似可憐飛燕倚新粧

名花傾國兩相歡長得君王帶笑看解釋春風無限

恨沉香亭北倚闌干

永王東巡歌

三川北虜亂如麻四海南奔似永嘉但用東山謝安石為君談笑靜胡沙

上皇西巡南京歌

濯錦清江萬里流雲帆龍舸下揚州北地雖誇上林苑南京還有散花樓

峨眉山月歌

峨眉山月半輪秋影入平羌江水流夜發清溪向三峽思君不見下渝州

巴陵贈賈舍人

賈生西望憶京華湘浦南遷莫怨嗟聖主恩深漢文帝憐君不遣到長沙

贈汪倫

李白乘舟將欲行忽聞岸上踏歌聲桃花潭水深千尺不及汪倫送我情

聞王昌齡左遷龍標遙有此寄

楊花落盡子規啼聞道龍標過五溪我寄愁心與明月隨風直到夜郎西

黃鶴樓送孟浩然之廣陵

故人西辭黃鶴樓，煙花三月下揚州。  
孤帆遠影碧空盡，唯見長江天際流。

送外甥鄭灌從軍三首

六博爭雄好彩來，金盤一擲萬人開。  
丈夫賭命報天子，當斬胡頭衣錦迴。

丈夫蛇矛出隴西，彎弧拂箭白猿啼。  
破胡必用龍韜策，積甲應將熊耳齊。

月蝕西方破敵時，及瓜歸日未應遲。  
斬胡血變黃河水，梟首當懸白鵠旗。

山中問荅

問余何意栖碧山，笑而不荅心自閑。  
桃花流水杳然去，別有天地非人間。

荅湖州迦葉司馬問白是何人

青蓮居士謫仙人，酒肆藏名三十春。  
湖州司馬何須問，金粟如來是後身。

詠崔侍郎

嚴陵不從萬乘遊，歸卧空山釣碧流。  
自是客星辭帝座，元非太白醉揚州。

望廬山瀑布泉

日照香爐生紫煙，遙看瀑布挂前川。  
飛流直下三千

尺疑是銀河落半天

望廬山五老峯

廬山東南五老峯青天削出金芙蓉九江秀色可攬  
結吾將此地巢雲松

早發白帝城

朝辭白帝彩雲間千里江陵一日還兩岸猿聲啼不  
盡輕舟已過萬重山

越中覽古

越王句踐破吳歸義士還家盡錦衣宮女如花滿春  
殿只今唯有鷓鴣啼

與史郎中欽聽黃鶴樓上吹笛

一為遷客去長沙西望長安不見家黃鶴樓中吹玉  
笛江城五月落梅花

軍行

騮馬新跨白玉鞍戰罷沙場月色寒城頭鐵鼓聲猶  
震匣裏金刀血未乾

從軍行

百戰沙場碎鐵衣城南已合數重圍突營射殺呼延  
將獨領殘兵千騎歸

春夜洛城聞笛

誰家玉笛暗飛聲散入春風滿洛城此夜曲中聞折柳何人不起故園情

春怨

白馬金羈遼海東羅帷綉被卧春風落月底軒窺燭  
盡飛花入戶笑床空

別內赴懲三首

王命三徵去未還明朝離別出吳關白玉高樓看不見相思須上望夫山

出門妻子強牽衣問我西行幾日歸歸時儻佩黃金印莫學蘇秦不下機

翡翠為樓金作梯誰人獨宿倚門啼夜坐寒燈連曉月行行淚盡楚關西

南流夜郎寄內

夜郎天外怨離居明月樓中音信疎北鴈春歸看欲盡南來不得豫章書

贈李白

杜子美

秋來相顧尚飄蓬未就丹砂愧葛洪痛飲狂歌空度月飛揚跋扈為誰雄

贈花卿

錦城絲管日紛紛半入江風半入雲此曲祇應天上

有人間能得幾迴聞

漫興六絕

手種桃李非無主野老墻低還是家恰似春風相欺  
得夜來吹折數枝花

二月已破三月來漸老逢春能幾回莫思身外無窮  
事且盡生前有限杯

腸斷春江欲盡頭杖藜徐步立芳洲顛狂柳絮隨風  
舞輕薄桃花逐水流

懶慢無堪不出村呼兒日在掩柴門蒼苔口濁酒林中  
靜碧水春風野外昏

糝徑楊花鋪白氈點溪荷葉疊青錢竹根稚子無人  
見沙上鳧雛旁母眠

舍西柔桑葉可拈江邊細麥復纖纖人生幾何春已  
夏不放香醪如蜜甜

戲為五絕

庾信文章老更成凌雲健筆意縱橫今人啞點流傳  
賦不覺前賢畏後生

王楊盧駱當時體輕薄為文哂未休爾曹身與名俱  
滅不廢江河萬古流

縱使盧王操翰墨劣於漢魏近風騷龍文虎脊皆君

駁歷塊過都見爾曹

才力應難誇數公凡今誰是出羣雄  
或者翡翠蘭若上未製鯨魚碧海中

不薄今人愛古人清辭麗句必為鄰  
竊攀屈宋宜方駕恐與齊梁作後塵

少年行二首

莫笑田家老瓦盆自從盛酒長兒孫  
傾銀注玉驚人眼共醉終同卧竹根

巢燕養雛渾去盡江花結子已無多  
黃衫年少來宜數不見堂前東逝波

絕句三首

堂西長筴別開門  
塹北行椒却背村  
梅熟喜同朱老喫松高擬對阮生論

欲作魚梁雲覆湍  
因驚四月雨聲寒  
青溪先有蛟龍窟竹石如山不敢安

兩箇黃鸝鳴翠柳  
一行白鷺上青天  
窻含西嶺千秋雪門泊東吳萬里船

夔州歌

赤甲白鹽俱刺天  
閭閻繚繞接山巔  
楓林橘樹丹青合複道重樓錦繡懸



灤東灤西一萬家江北江南春冬花背飛鶴子遺瓊  
蔡相邇鳧雛入蔣牙

閭風玄圃與蓬壺中有高堂天下無借問夔州壓何  
處峽門江腹擁城隅

解悶

草閣柴扉星散居浪翻江黑雨飛初山禽引子哺紅  
果溪友得錢留白魚

商胡離別下揚州憶上西陵故驛樓為問淮南朱貴  
賤老夫乘興欲東遊

一辭故國十經秋每見秋瓜憶故丘今日東湖采薇

蕨何人為覓鄭瓜州

沈范早如何水部曹劉不待薛郎中獨當省署開文  
苑兼泛滄浪學釣翁

李陵蘇武是吾師孟子論文更不疑一飯未曾延俗  
客數篇今見古人詩

復憶襄陽孟浩然清詩句句盡堪傳即今耆舊無新  
語謾釣槎頭縮項鱸

陶冶性靈存底物新詩改罷自長吟孰知二謝將能  
事頗學陰何苦用心

不見高人王右丞藍田丘壑蔓寒藤寂傳秀句寥區

滿未絕風流相國能

先帝貴妃今寂寞荔枝還復入長安  
炎方每續朱櫻獻玉座應悲白露團

湘中酬張十一功曹

韓退之

休垂絕徼千行淚共泛清湘一葉舟  
今日嶺猿兼越鳥可憐同聽不知愁

聞梨花發贈劉師命

桃蹊惆悵不能過紅豔紛紛落地多  
聞道郭西千樹雪欲將君去醉如何

榴花

五月榴花照眼明枝間時見子初成  
可憐此地無車馬顛倒青苔落絳英

春雪

新年都未有芳華二月初驚見草芽  
白雪却嫌春色晚故穿庭樹作飛花

次潼關先寄張十二閣老使君

荆山已去華山來日出潼關四扇開  
刺史莫辭迎候遠相公親破蔡州迴

夕次壽陽驛題吳郎中壁後

風光欲動別長安春半邊城特地寒  
不見園花兼巷

柳馬頭惟有月團團

鎮州初歸

別來楊柳街頭樹  
擺弄春風只欲飛  
還有小園桃李在  
留花不發待郎歸

蒲萄

新莖未徧半猶枯  
高架支離倒復扶  
若欲滿盤堆馬乳  
莫辭添竹引顏鬚

酬王二十舍人雪中見寄

三日柴門擁不開  
階平庭滿白皚皚  
今朝蹋作瓊瑤跡  
為有詩從鳳沼來

題百葉桃花

百葉雙桃晚更紅  
窺窓映竹見玲瓏  
應知侍史歸天上  
故伴仙郎宿禁中

賽神

白布長衫紫領巾  
差科未動是閑人  
麥苗含穉桑生甚  
共向田頭樂社神

秋樹

幸自枝條能樹立  
可煩蘿蔓作文加  
傍人不解尋根本  
却道新花勝舊花

贈張十八助教

喜君眸子重清朗攜手城南歷舊遊忽見孟生題竹  
處相看淚落不能收

遊太平公主山莊

公主當年欲占春故將臺榭厭城闈欲知前面花多  
少直到南山不屬人

奉和裴相公東征途經女几山下作

旗穿曉日雲霞雜山倚秋空劍戟明敢請相公平賊  
後暫攜諸吏上崢嶸

過襄城

郟城辭罷過襄城潁水嵩山刮眼明已去蔡州三百

里家人不用遠來迎

桃林夜賀晉公

西來騎火照山紅夜宿桃林臘月中手把命珪兼相  
印一時重疊賞元功

晚次宣溪辱韶州張端公使君惠書叙別酬  
以絕句一章

韶州南去接宣溪雲水蒼茫日向西客淚數行元自  
落鷓鴣休傍耳邊啼

同水部張員外曲江春遊寄白二十二舍人

漠漠輕陰晚自開青天白日映樓臺曲江水滿花千

樹有底忙時不肯來

早春呈水部張十八員外

莫道官忙身老大即無年少逐春心  
憑君先到江頭看柳色如今深又深

奉和李相公題蕭家林亭

山公自是園林主歎惜前賢造作時  
岩洞幽深門盡鎖不因丞相幾人知

盆池

莫道盆池作不成藕梢初種已齊生  
從今有雨君須記來聽蕭蕭打葉聲

續選唐音大成卷之十四終



上海圖書館藏



